

PERKASA UMP muncul juara pertandingan debat

BH (Timur)
Ising 1/10/16

KUANTAN: Pasukan debat Persatuan Kejuruteraan Awam dan Sumber Alam (PERKASA), Universiti Malaysia Pahang (UMP) muncul juara pertandingan debat Plala Naib Canselor kategori Bahasa Melayu yang berlangsung di UMP Kampus Gambang, dekat sini.

PERKASA diwakili Mohamad Helmi Othman, 20; Iqram Zulkifli, 21, dan Wan Mohd Fakri, 21, selaku pembangkang muncul pemenang selepas menewaskan Persatuan Mahasiswa Sains & Teknologi Industri (Scitexs) yang diwakili Siti Aisyah Mustapha, 20; Wan Muhammad Muadz, 19, dan Qusyairi Hashim, 19, dengan tajuk perbahasan 'Dasar Baru Ekonomi : Masa Semakin Suntuk'.

Bagi kategori Bahasa Inggeris pula, Persatuan Mahasiswa Kejuruteraan Kimia & Sumber Asli (CHEST) yang diwakili Shamini Gunaseelan, 22; Winson Sia Shen Loong, 21, dan Chitra Charan Suri, 22, muncul juara selepas menewaskan Kelab Orator UMP yang diwakili Renu Sekaran, 21; Latisha Anthony, 21, dan Xian Fu, 21.

Johan menerima wang tunai RM500, piala pusingan, cenderahati dan sijil penghargaan, manakala naib johan menerima wang tunai RM400 dan sijil penghargaan yang disampaikan Naib Canselor UMP Profesor Datuk Dr Daing Nasir Ibrahim.

Ketika ditemui, Mohamad Helmi, berkata kemenangan itu disifatkan sebagai langkah permulaan untuk menyertai pelbagai pertandingan debat yang diadakan sama ada di peringkat universiti atau institusi pengajian tinggi (IPT) lain.

"Secara tidak langsung, pertandingan debat memberi kami peluang mengkaji dan mendalami pelbagai isu yang bersesuaian dengan tajuk perdebatan."

"Walaupun kami pelajar kejuruteraan, ia tidak membataskan kami untuk membuat kajian mengenai isu semasa yang berlaku di dalam dan luar negara," katanya ketika ditemui selepas majlis penutup dan penyampaian hadiah oleh Daing Nasir.

Turut hadir, Naib Canselor Penyelidikan & Inovasi, Profesor Datuk Rosli Mohd Yunus, Timbalan Naib Canselor (Akademik & Antarabangsa), Profesor Dr Badhrulhisham Abdul Aziz dan Penolong Naib Canselor (Hal Ehwal Pelajar & Alumni), Profesor Dr Yusenie Zainudin.